

# SCRIPTA

---

**Numéro Scripta** : 2895

**Auteur(s)** : Foulques Dastin, Lisieux (évêque)

**Bénéficiaire(s)** : Saint-Hymer, Saint-Hymer-en-Auge, dépendance Le Bec (prieuré)

**Genre d'acte** : charte

**Authenticité** : non suspect

**Datation** : 1253, septembre

**Action juridique** : règlement conflit

**Langue du texte** : latin

## Analyse

Foulques, évêque de Lisieux, règle le différend entre le prieur et les paroissiens de Saint-Ymer au sujet du clocher et des cloches, et ordonne la construction d'un mur qui sépare les deux églises du prieuré et de la paroisse.

## Tableau de la tradition

### Éditions principales

a. Bréard Charles, *Cartulaires de Saint-Ymer en Auge et Bricquebec, publiés avec notices*, Rouen-Paris, Lestringant-Picard, 1908, n° LXIX, p. 40-41.

Texte établi d'après a

Omnibus hæc visuris vel auditoris, Fulco, divina permissione Lexoviensium episcopus, salutem in Domino. Noverit universitas vestra quod, cum orta esset controversia inter religiosos viros, priorem et conventum sancti Ymerii cujus concopartem medietatem sumptuum jam factorum, et in posterum faciendorum dicti religiosi petebant a dictis parochianis coram domino Officiali sibi adjudicari, et eosdem parochianos compelli ad reddendum illis sumptus prædictos, ea videlicet ratione quod campanæ in eadem turre collocatæ ad usus prædictorum partium communiter cedere videbantur. Tandem sopitis multis altercationibus habitis inter partes prædictas super controversia memorata, ad petitionem virorum religiosorum, abbatis et conventus de Becco, ac parochianorum prædictorum, ita duximus ordinandum : videlicet quod prior et conventus supradicti hababunt de cætero turrim superius nominatam ad usus suos proprios liberam et quietam et omnia refectionis, cum opus fuerit, propriis sumptibus sustinebunt, parochiani autem supradicti sumptibus suis aliam turrim suæ campanæ construent in ea parte ipsius ecclesiæ in qua dictis priori et conventui et ipsis parochianis melius visum fuerit expedire, tam secundum honestatem quam utilitatem ecclesiæ memoratæ, ac ibidem dicti parochiani suas campanas collocabunt. De tribus vero campanis ibidem existentibus ita ordinamus, quod dicti religiosi unam videlicet meliorem retinebunt, aliis duabus cedentibus in usum parochianorum prædictorum. Et fiat murus intermedius, ut tam prædicti religiosi quam parochiani melius et quietius intendere valeant ad divina. Actum anno Domini millesimo ducentesimo quinquagesimo tertio, die Martis prima post Exaltationem sanctæ Crucis.